

Info

Majlis Kecemerlangan Akademik 2015 Empower ECER Mahkota

→ 67 murid UPSR
188 pelajar PT3 dan
82 pelajar SPM dirai

→ Setiap pelajar memperoleh
sijil penghargaan dan
wang tunai RM100

→ Inisiatif ini memberi
manfaat kepada 9,186
pelajar sejak enam tahun lalu

(FOTO FARIZUL HAFIZ AWANG/BH)



Daing Nasir (dua dari kiri) dan Sh Mohamed Puzi (tengah) bersama sebahagian penerima anugerah pada Majlis Kecemerlangan Akademik 2015 Empower ECER Mahkota di UMP, Kuantan, semalam.

Empower ECER Mahkota lahir pelajar cemerlang

BERITA HARIAN (PENDIDIKAN) 31 MEI 2016 m/s 19

→ Program serlah pencapaian akademik di sekolah luar bandar

Oleh Shahrinnahar Latib
bhnews@bh.com.my

► Kuantan

Kerjasama kukuh mem-babitkan Universiti Malaysia Pahang (UMP), Majlis Pembangunan Ekonomi Wilayah Pantai Timur (ECER-DC) dan Jabatan Pendidikan Pahang dalam memperkasa Program Empower ECER Mahkota, menyaksikan pencapaian akademik pelajar luar bandar terus cemerlang.

Naib Canselor UMP, Prof Datuk Dr Daing Nasir Ibrahim, berkata sehubungan itu, sinergi ketiga-tiga pihak terbabit wajar diperluaskan bagi meneroka lebih banyak ruang baharu dalam bidang pendidikan, seterusnya membolehkan lebih ramai pelajar mendapat manfaat pada masa depan.

"Majlis ini adalah satu penghargaan kepada pelajar yang

bertungkus-lumus mendapatkan keputusan cemerlang dalam peperiksaan. Saya harap penganjuran majlis ini dapat menyuntik semangat pelajar supaya berusaha lebih gigih dalam menghadapi peperiksaan yang lebih penting pada masa depan," katanya.

Beliau berkata demikian ketika ditemui pada Majlis Kecemerlangan Akademik 2015 Empower ECER Mahkota di Universiti Malaysia Pahang (UMP), Gambang di sini, semalam.

Babit 337 pelajar

Seramai 337 pelajar terbabit dalam program latihan akademik Empower ECER Mahkota di daerah Pekan dan Kuantan di-raitkan menerusi program anjuran UMP Edvance Education (UAE) dengan kerjasama ECER-DC.

Ia dirasmikan oleh Ahli Dewan Undangan Negeri (ADUN) Peramu Jaya, Datuk Seri Sh Mo-

hamed Puzi Sh Ali. Yang turut hadir, Ketua Pegawai Eksekutif (CEO) ECERDC, Datuk Seri Jebasingam Issace John dan CEO UAE, Mohamad Rozi Hassan.

Peranan ibu bapa penting

Sementara itu, Sh Mohamed Puzi, berkata peranan ibu bapa penting untuk menyokong anak mereka berjaya dalam pelajaran dan mencapai cita-cita.

"Saya harap pencapaian cemerlang ini tidak berakhir di sini, sebaliknya diteruskan sampai bila-bila kerana perjalanan anda masih jauh," katanya.

John pula berharap majlis ini dapat mendorong golongan muda agar terus tekun menimba ilmu.

"Dalam usaha kerajaan merealisasikan visi untuk menjadi negara maju berpendapatan tinggi, adalah penting untuk kita memastikan golongan muda mendapat pendidikan terbaik," katanya.